

## ТАСДИҚЛАЙМАН:

«Дехқонобод калий заводи» АЖ  
Бошқарув раисининг Логистика ва  
транспорт бўйича ўринбосари



О.А.Курбонов

2022й.

«Дехқонобод калий заводи» акциядорлик жамияти  
2022 йил иккинчи ярим йиллик ишлаб чиқариш эҳтиёжи учун  
автотранспортда юк ташиш хизматларини кўрсатувчи  
ташкilotни танлаш бўйича

### Техник топширик

Дехқонобод – 2022 й.

## МУНДАРИЖА:

1 БЎЛИМ. БАЖАРИЛАДИГАН ИШЛАР ВА КЎРСАТИЛАДИГАН ХИЗМАТЛАРНИНГ НОМЛАНИШИ ҲАМДА ФОЙДАЛАНИШ МАҚСАДИ .....	3
2 БЎЛИМ. ИШЛАР, ХИЗМАТЛАРНИНГ РЎЙХАТИ ВА УЛАРНИНГ ҲАЖМИ (МИҚДОРИ) .....	3
3 БЎЛИМ. БАЖАРИЛАДИГАН ИШЛАР ВА КЎРСАТИЛАДИГАН ХИЗМАТЛАРНИНГ ШАРТИ (ТАШИШ ШАРТЛАРИ).....	3
4 БЎЛИМ. БАЖАРИЛАДИГАН ИШЛАР ВА КЎРСАТИЛАДИГАН ХИЗМАТЛАРНИНГ МАНЗИЛИ (ЖОЙИ) .....	4
5 БЎЛИМ. БАЖАРИЛАДИГАН ИШЛАР ВА КЎРСАТИЛАДИГАН ХИЗМАТЛАРНИНГ НАРХИ ВА ТЎЛОВЛАРНИ АМАЛГА ОШИРИШ ШАРТЛАРИ .....	4
6 БЎЛИМ. БАЖАРИЛАДИГАН ИШЛАР ВА КЎРСАТИЛАДИГАН ХИЗМАТЛАРНИНГ МУРАККАБЛИГИНИ ИНОБАТГА ОЛГАН ҲОЛДА ИШТИРОКЧИЛАРГА ҚЎЙИЛАДИГАН МАЖБУРИЯТ ВА ТАЛАБЛАР .....	4
7 БЎЛИМ. ИШЛАРНИ БАЖАРИШ ВА ХИЗМАТЛАРНИ КЎРСАТИШ МУДДАТИ (ДАВРИ) .....	5
8 БЎЛИМ. ИШЛАР ВА ХИЗМАТЛАРНИНГ НАТИЖАЛАРИНИ ТОПШИРИШ ВА ҚАБУЛ ҚИЛИШ ТАРТИБИ.....	5
9 БЎЛИМ. ИШЛАР ВА ХИЗМАТЛАРНИНГ ҲАЖМИГА (МИҚДОРИГА) КАФОЛАТ БЎЙИЧА ТАЛАБЛАР .....	5
10 БЎЛИМ. ИШЛАРНИ БАЖАРИШ ВА ХИЗМАТЛАРНИ КЎРСАТИШГА ҚЎЙИЛАДИГАН ҚЎШИМЧА ТАЛАБЛАР.....	6
11 БЎЛИМ. ҚАБУЛ ҚИЛИНГАН ҚИСҚАРТИРИШЛАР РЎЙХАТИ .....	7
12 БЎЛИМ. ИЛОВАЛАР РЎЙХАТИ.....	7

## 1 БЎЛИМ. БАЖАРИЛАДИГАН ИШЛАР ВА КЎРСАТИЛАДИГАН ХИЗМАТЛАРНИНГ НОМЛАНИШИ ҲАМДА ФОЙДАЛАНИШ МАҚСАДИ

«Дехконобод калий заводи» акциядорлик жамияти (кейинги ўринларда – буюртмачи) 2022 йил иккинчи ярим йиллик ишлаб чиқариш эҳтиёжи учун зарур бўлган хом ашё – сильвинит рудасини шартнома автотранспорт воситалари ёрдамида ташиш ва қайта ишлаш мажмуасидан тоғ-кон мажмуасига галитли қолдикни (хвост тузини) ташиш хизматини кўрсатиш. Умумий ташиладиган юклар ҳажми июль-декабрь ойлари давомида 630 000 тоннани (сильвинит 360 000 тн, галитли қолдик, хвост тузи 270 000 тн) ташкил қилади.

## 2 БЎЛИМ. ИШЛАР, ХИЗМАТЛАРНИНГ РЎЙҲАТИ ВА УЛАРНИНГ ҲАЖМИ (МИҚДОРИ)

Хизмат кўрсатувчи буюртмачига тоғ-кон мажмуасидан қайта ишлаш мажмуасига сильвинит рудасини ва қайта ишлаш мажмуасидан тоғ-кон мажмуасига галитли қолдикни (хвост тузини) ташиш хизматини кўрсатади.

Хизматни кўрсатувчи томонидан ушбу техник топшириқда кўрсатилган ишларни бажаришга жалб қилинадиган уртача суткалик катновда автотранспорт умумий сони 20 тадан кам бўлмаслиги, автотранспорт воситаларининг юк кўтариш қобилияти 20 тоннадан кам бўлмаслиги зарур.

*Эслатма:* Буюртмачи жойлашган манзил ва кўрсатиладиган хизматларнинг мураккаблигидан ва ишлаб чиқариш ҳажмидан келиб чиқиб, мазкур техник топшириқда кўрсатилган хизматларни бажариш учун бир нечта хизмат кўрсатувчи ташкилот жалб қилиниши мумкин.

## 3 БЎЛИМ. БАЖАРИЛАДИГАН ИШЛАР ВА КЎРСАТИЛАДИГАН ХИЗМАТЛАРНИНГ ШАРТИ (ТАШИШ ШАРТЛАРИ)

Юк ташиш ўртача оралик масофаси – 42 км.

Иш режими – узлуксиз.

Суткасига ташилиши лозим бўлган юк ҳажмлари: 2000 тонна сильвинит рудаси ва 1500 тонна хвост тузи (галитли қолдик).

Хизмат кўрсатувчи ташкилот автотранспорт воситалари жамиятнинг назорат ўтиш жойларидан ўтиши шарт.

Ташилаётган юкларнинг миқдори буюртмачининг қайта ишлаш мажмуасида ўрнатилган автотранспорт тарозисидан ўтиши зарур.

Хизмат кўрсатувчи ташкилотга автотранспорт воситаларини, уларнинг эҳтиёт ҳамда бутловчи қисмларини сақлаш ҳамда автотранспорт воситаларига зарурий техник хизматларни кўрсатиш учун жой ажратилади.

Хизмат кўрсатувчи ташкилотларнинг хайдовчилари учун йўл варақалари буюртмачининг автотранспорт цехи навбатчи диспетчерлари томонидан уларнинг тиббий кўрикдан ўтганлигини тасдиқловчи ҳужжатлар ва автотранспорт воситасининг йўналишга чиқишга яроқлилиги тўғрисидаги тегишли ҳужжатлар мавжуд бўлган тақдирда берилади.

#### 4 БЎЛИМ. БАЖАРИЛАДИГАН ИШЛАР ВА КЎРСАТИЛАДИГАН ХИЗМАТЛАРНИНГ МАНЗИЛИ (ЖОЙИ)

Руда ва қолдиқ маҳсулотни ташиб бериш хизматлари Ўзбекистон Республикаси Қашқадарё вилояти Дехқонобод туманида жойлашган «Дехқонобод калий заводи» акциядорлик жамиятининг манзили бўйича кўрсатилади.

#### 5 БЎЛИМ. БАЖАРИЛАДИГАН ИШЛАР ВА КЎРСАТИЛАДИГАН ХИЗМАТЛАРНИНГ НАРХИ ВА ТЎЛОВЛАРНИ АМАЛГА ОШИРИШ ШАРТЛАРИ

Хизмат нархи юк автомашиналарига сиқилган газ (метан) ёқилғиси буюртмачи томонидан таъминланиши, жорий ва оралик таъмирлаш хизматлари, хайдовчиларнинг иш ҳақи ва бошқа харажатлар эса хизмат кўрсатувчи ташкилот томонидан қопланиши инобатга олинган ҳолда бир тонна юкни ташиш қиймати 2022 йил бизнесни ривожлантириш кўрсаткичларидан ва тижорат таклифларга асосан келиб чиқиб белгиланади.

#### 6 БЎЛИМ. БАЖАРИЛАДИГАН ИШЛАР ВА КЎРСАТИЛАДИГАН ХИЗМАТЛАРНИНГ МУРАККАБЛИГИНИ ИНОБАТГА ОЛГАН ҲОЛДА ИШТИРОКЧИЛАРГА ҚЎЙИЛАДИГАН МАЖБУРИЯТ ВА ТАЛАБЛАР

Иштирокчи белгиланган суткалик иш ҳажмини сўзсиз бажариш шарт.

Руда ташишга жалб қилинган автотранспорт воситалари ишларни бажариш давомида юкларни ёпиш воситалари билан жиҳозланган бўлиши талаб этилади.

Руда ташишга жалб қилинадиган автотранспорт воситаларининг ёқилғи сарфи меъёри ўрнатилган тартибда тегишли ваколатли органлар билан келишилган ва тасдиқланган бўлиши шарт.

Жалб қилинган барча автотранспорт воситаларига GPS-навигатор (GPS-трекер ва ёқилғи датчиги) тизими ўрнатилган бўлиши ҳамда бу тизим орқали барча зарурий маълумотларни буюртмачи он-лайн (on-line) режимда олиши учун хизмат кўрсатувчи ташкилот томонидан буюртмачига имконият яратиб берилиши шарт.

Барча автотранспорт воситалари, ёнғинга қариши ускуналар билан ва биринчи ёрдам кўрсатиш учун аптечка билан жиҳозланган бўлиши шарт.

Руда ва қолдиқ маҳсулотни ташиб бериш хизматини амалга оширувчи ташкилот юк ташиш хизматларини амалга ошириш бўйича ваколатли органларнинг рухсатномаси ва/ёки лицензиясига эга бўлиши шарт.

Руда ва қолдиқ маҳсулотни ташиб беришга жалб қиладиган автотранспорт воситалари техник жиҳатдан соз бўлиши, юкларнинг шу турини ташишга мос келиши, санитария, ҳаракат хавфсизлиги ва хавфсизлик техникаси қоида талабларига тўлиқ жавоб бериши зарур.

Ҳар бир автотранспорт воситасига тегишли малака ва тажрибага эга бўлган камида 3 тадан хайдовчилар бириктирилган бўлиши шарт.

Руда ва қолдиқ маҳсулотни ташиб бериш хизматини амалга ошириш бўйича жамият ва шу хизматни амалга оширувчи ташкилот ўртасида тузилган шартнома амал қилиб турган даврда хизмат кўрсатувчи ташкилотнинг ҳайдовчилари ҳар кунлик иш фаолиятини бошлашидан олдин ўрнатилган тартибда жамиятнинг тегишли биносида жойлашган тиббий хизматнинг тиббий кўригидан ўтиши зарур.

#### 7 БЎЛИМ. ИШЛАРНИ БАЖАРИШ ВА ХИЗМАТЛАРНИ КЎРСАТИШ МУДДАТИ (ДАВРИ)

Хизматни кўрсатиш муддати – шартнома имзоланган кундан бошлаб 6 (олти) ойни ташкил қилади.

Руда ва қолдиқ маҳсулотни ташиб бериш хизмати буюртмачи ва хизмат кўрсатувчи ташкилот ўртасида ўрнатилган тартибда шартнома имзолангандан кейин юк ташиш ишларини бажариш амалга оширилади.

#### 8 БЎЛИМ. ИШЛАР ВА ХИЗМАТЛАРНИНГ НАТИЖАЛАРИНИ ТОПШИРИШ ВА ҚАБУЛ ҚИЛИШ ТАРТИБИ

Руда ва ғалитли қолдиқни ташиб бериш хизмати кўрсатган ташкилот кўрсатилган хизматлар тўғрисидаги маълумотларни ҳисобот ойдан кейинги ойнинг бешинчи санасигача ўрнатилган тартибда кўриб чиқиш ва қабул қилиш учун буюртмачига тақдим қилади.

Юкларни ташилганлиги тўғрисидаги маълумотларни тасдиқловчи ҳужжатлар буюртмачи томонидан тақдим қилинган юк хатлари, бажарилган ишлар тўғрисидаги далолатномаси ва бошқа юк ташиш ҳужжатлари ҳисобланади.

Бажарилган ишлар тўғрисидаги далолатнома буюртмачининг қайта ишлаш мажмуасидаги автотарози ва бошқа қайд қилинадиган журналлардаги маълумотлар билан солиштирилганидан кейин буюртмачининг тегишли мутахассислари томонидан имзоланади.

Ҳисобот даври бўйича давлат буюртмачиси ва ишларни (хизматларни) кўрсатувчи ташкилот раҳбарияти томонидан далолатнома расмийлаштирилиб имзолангандан сўнг ишлар тўлиқ бажарилган ҳисобланади ва тўлов учун ҳисоб-фактура ёзилади.

#### 9 БЎЛИМ. ИШЛАР ВА ХИЗМАТЛАРНИНГ ҲАЖМИГА (МИҚДОРИГА) КАФОЛАТ БЎЙИЧА ТАЛАБЛАР

Руда ва қолдиқ маҳсулотни ташиб бериш хизматини амалга ошириш бўйича буюртмачи ва шу хизматни амалга оширувчи ташкилот ўртасида тузилган шартнома амал қилиб турган даврда хизмат кўрсатувчи ташкилотнинг ҳайдовчилари томонидан доимий равишда бир сутка давомида камидан

5 рейс руда ташиб келтириши ва шунга мос равишда 75% дан кам бўлмаган миқдорда галитли қолдиқни ташиб кетиши зарур.

Автотранспорт воситасига юкланган руда ва галитли қолдиқ тегишли манзилигача тўлиқ ва сифатли етказиб берилиши зарур.

## 10 БЎЛИМ. ИШЛАРНИ БАЖАРИШ ВА ХИЗМАТЛАРНИ КЎРСАТИШГА ҚЎЙИЛАДИГАН ҚЎШИМЧА ТАЛАБЛАР

Руда ва галитли қолдиқни ташишга жалб қилинган автотранспорт воситалари тезкор бошқарув бўйича буюртмачи томонидан масъул деб белгиланган жавобгар шахснинг кўрсатмаларига амал қилиши зарур.

Хизмат кўрсатувчи ташкилот ўзи жалб қилган автотранспорт воситаларининг тўлиқ техник бутлигини таъминлаши, юзага келган ҳар қандай нуқсонларни ўз ҳисобидан қисқа муддатда бартараф этиши учун зарурий эҳтиёт ва бутловчи қисмларнинг минимал захирасини яратиши зарур.

Руда ва галитли қолдиқни ташиш хизмати тоғли шароитдаги йўлларда амалга оширилади. Хизмат кўрсатувчи ташкилотда зарурий рухсат берувчи ҳужжатларнинг мавжуд бўлмаганлиги учун жавобгарлик хизмат кўрсатувчи ташкилот зиммасига юклатилади.

Хизмат кўрсатувчи ташкилот автотранспорт воситаларининг ҳайдовчилари сменани алмашиш графига амал қилишлари ва бу вақтда режасиз тўхталишларга йўл қўймасликлари зарур.

Жалб қилинган ҳар бир автотранспорт воситаси бир суткада камида 5 (беш) рейс руда ташиб келтириши ҳамда шунга мутаносиб равишдаги галитли қолдиқни ташиши зарур.

Тоғ-кон мажмуасидан қайта ишлаш мажмуасига руда ташиб келтирган автотранспорт воситаси ташиб келган рудасининг миқдорига нисбатан камида 75 фоиз миқдоридаги галитли қолдиқни қайта ишлаш мажмуасидан тоғ-кон мажмуасига ташиб кетиши зарур.

Хизмат кўрсатувчи ташкилот томонидан жалб қилинган автотранспорт воситасида техник носозлик кузатилганда ва бу носозликни 12 (ўн икки) соат ичида тузатишнинг имкони бўлмаган тақдирда хизмат кўрсатувчи ташкилот бу транспорт воситасининг ўрнига бошқа транспорт воситасини ажратиши зарур.

Хизмат кўрсатувчининг айби билан буюртмачининг ишлаб чиқариш жараёнида тўхталиш кузатилганда ёки хизмат кўрсатувчи ташкилот ўзига юклатилган вазифаларни етарлича бажармаганда икки томонлама тузилган ва тасдиқланган юк ташиш шартномаси умумий суммасининг 20% гача бўлган миқдорида хизмат кўрсатувчи ташкилотга жарима қўлланилади. Шу билан бир вақтда хизмат кўрсатувчи ташкилот билан тузилган шартномани буюртмачи томонидан бир томонлама бекор қилиш кўриб чиқилади.

Ушбу техник топшириқда кўрсатилган ишларни бажариши (хизматларни кўрсатиши) мумкин бўлган потенциал ташкилотларга мазкур ишларни бажариш бўйича танлов бошлангунига қадар буюртмачининг объектларига

ташриф буюриши, иш ҳажми ва ишларни бажариш шарт-шароитлари билан жойида танишиши учун имконият яратиб берилади.

### 11 БЎЛИМ. ҚАБУЛ ҚИЛИНГАН ҚИСҚАРТИРИШЛАР РЎЙХАТИ

Т/р	Қисқартма	Қисқартманинг тўлиқ ёйилмаси
-	-	-

### 12 БЎЛИМ. ИЛОВАЛАР РЎЙХАТИ

Т/р	Илова номланиши	Варақлар сони
1	Жамият тоғ-кон ва қайта ишлаш мажмуалари орасидаги йўлнинг чизмаси	1
2	Сильвинит рудасининг физик-кимёвий кўрсаткичлари	1
3	Қолдиқ маҳсулотнинг (натрий хлорид) физик-кимёвий кўрсаткичлари	1

#### Ишлаб чиқди:

1 | Логистика бўлими мутахассиси



\_\_\_\_\_ К.Жумбашов

#### Келишилди:

Логистика бўлими бошлиғи



\_\_\_\_\_ З.Норсафаров

Автотранспорт цехи бошлиғи .



\_\_\_\_\_ З.Амиркулов

